捣藻堂四庫全書

音薈

要

史部

欽定四庫全書為要奏明夢餘録卷三十五

詳校官編修臣琴晉



計算為首領官屬清吏司四曰民部主天下省府州縣 欽定四庫全書管要卷七千六百八十六史部 之圖志以周知其地里古今沿革山川險易田土肥瘠 以贊於天子侍郎二人為之貳司務照磨檢校典磨勘 中日賦 征役經費之政令經鹽法邊儲金穀出納之制 春明夢餘録卷三十五 那在嗣之東吏部之下西向設尚書主天下人民户 春明夢 餘録 吏部侍郎孫承澤撰

貢賦赞尚書那 中員 其職事以版籍稽賦役以墾荒業貧民以占籍附流民 ·寬狹户口物産多寡登耗之數曰度支主會計天下存 户口錢穀賦役課程之事而司分民度金倉為四科 念地曹務繁更定為十三清吏司司各理一布政使司 若贓罰之折收曰倉部主兩稅起運倉便之委積已上 起運若原禄俸給之經費日金部主天下魚鹽稅課 **庁匹庫全書** 外主事所添設繁簡視所司劇易無直隸府州之 政 焉

量 防 逊户有禁 田 栽 課農官 和市易以時 」ソ **畸零寄細民** 異端 給除差 課 折 程 銀 以易 亂 闌 ノス 劑 賜 米值 優 宗 雜 復 估 類淆良賤 物 田 ソソ 地 約 ンス 給馬 以平米 剔野馭羈縻之民 懐 とく 珍異 剧 降蕃 均 輸 春川夢餘録 榷 牧 遊手遊食有禁毀鈔過錢有 儲 均 凡 市 ソス ひと 封 獻産 上 里老攝 船 田 閉密砂 材 供 税 詭 ソス ソス ソス 産 31 鄉 以 鈔 布 由 鑛 錠 帛 漏 圖 社 帳 嚴 ひ 節 産 レス 飲 金穀累 恩賞 茶政 庸 朋 律 抑無并之 **語嚴** è 調 ソス 힔 析 」ソ 權 桑 禁

釖 倉所官悉隸 諸王大臣母得請常課乞閉田寶鈔提舉司若局庫 定四庫全書 / 從 教 周官司徒掌邦教敷五典擾兆民在當時所司者 於太平經國一書有志於當世之務者在所亟講 則 如云先王與民為生後世則民自為生至于今 古財用之政莫備於周禮而善言周禮者莫備 化 後世則專理財賦户口之事 民無以生矣當觀周之世其所以與民為生 馬 **美三十五**

ŗ AU DE MORE OF MAIN 路 助 鄊 畝 雖 誦 為之鄰 乙法 以安 使之相養相生如是足矣為之比問 王畿之內皆齊民而未有特富者生生之具 外於是九職之任領馬雖 事也井九百畝其中為公田八家皆私 粗 ンス 其生為之轉利醫藥之政為之明 給 衛 里鄭鄙縣遂為之溝溢川澮畛塗道 洏 其生如是又足矣而猶以為未 祭 祀喪紀猶 春明多餘録 有 所 臣 不 妾附民皆 足 而 族黨 取 救 補 11 百

其勤 甞 賦 蓋不措之於仰事俯育無憾之地則鬱鬱然 有員於斯民也此民所以 敢遗而亦必有以厚其生反覆太军之九 斗栗尺帛則有司存釣考會計猶恐其用之 不三嘆先王之政思慮周密安養生利備 有水旱不登則焦然凛然念民生之不易 以足軍國之用而先王猶不 於是 相與出其賦稅以供 樂其上之爱已而忘 敢泰然而享之 其上税以足 膱 食

勞矣迫之以水早役之以軍旅用苦之以加征厚 子兄弟夫婦之聚而無衣食生養之資去而為工 能制民之産而行九職之任而民始自為生有父 飲貪官猾吏而民始無以為生矣 又云冢宰歲秒制國用九賊九貢之後又有九式 節財用蓋君心之非莫大乎侈心之生財聚於 散而為商賈不得已而為庸保而民之為生始 春羽夢涂绿

至之無日捐租出栗欲減膳而不御樂矣自上不

宦寺嬪 漿 亦莫大乎是數者之間使太宰身不得總其人心 無度矣故嘗論冢宰屬官以為內外庭宿衛之士 物 公上而大臣不敢撙節於其問則府庫之充切 醢 感悦人主之耳目而府庫之財 之賤者也烹庖饔膳之事事之辱者也魚腊 之治穣而人主之宮室器用 醢之物 御 洒 掃使令為冗役而宴私 物之做者也次舍幄帝丧服為末 卷三十五 服食賜予一切 物國家之耗費 玩 狎之除易 用 始 酒

欽

定四庫全書

广 ALL OF THE PER SECURITY 木 民 得 可 又 有 財 曰 パく 得 之 而 田可以無饑墙下之桑五母之鷄二母之彘 周 餘財當是時也下之所 臣妾資之以山澤數收故其地無餘利而 衣 而已矣非 檢之 約其用則多寡豐殺去取用含損益之目 帛 禮理 而食肉而又任之以百工商買責之 財 理天下之財也昔者天下之民百 理其出而已矣 春明夢餘録 ソス 輸 非 於上者常易辨 理其入也理 其 國 誰

釒 窮 其 如 征 而 Æ 上之所 正税 斯 財 財 財 已可 而 其入而常盡心於 パ 2 常懼 取 己 入之掌者太府之 九 職之正 矣 為 取 いく 其姦欺 則太宰立法 非 甚易其藏之也充足 取於下者常不見其難 理天下之財 賦 卷三 而 外 鹵莽是 理其 而 以授之 職 九土之常貢其時已 掌財 之入也 出 人故 一 征 而 パ 時之財不 盤美而 集 財之來為無 者司徒之 領之當用 内 而 其 九 者 屬 至 功 待 用

又曰内 之一人之手也此特其不相參者耳至於相參而 成矣而必設為二職者出入之數固不可以專責 固 可以通司書矣而必立為二司者掌財用之會 相 į 攷 不 以供王及后世子衣服之用內外互相及也職 一身之用固不可以混夫一國之用也司會若 可以 者 府若可以兼玉府矣而必分為二府者切 則內府在內反以供那之大用外 汨之以書契版圖也職內若可以攝職 各归夢 除灵 府 在 外

内 然也故財用之出上無所 則 職入反以每歲所入而考其所出職歲職出反 而已固 每歲所出而 可以專其耳目心相 而 而 13 民無復 已非理其入也理之於上者不欲虐取之於 而下不 非屑屑然為是不憚 有受其病者然則周家之理財 私 證其所入出入互相考也不相 則財常足於用 考則可以防其姦欺 肆其侈下 煩 征飲常不至於 -無所容其 惟 理 私 灰

鉑

定四庫全書

卷三十五

土官民共八百五十萬七千六百二十三頃六十 十三司也天下田土據諸司職掌載洪武年間田 書省二十三道明兩京十四布政司後棄安南實 道旋分為十五道宋四京二十三路元十一行中 分為十三部每部多寡不等晉分為十五道唐十 禹别天下為九州三代因之秦分為三十六郡漢 故零據會典載弘治年問田土官民共六百二

各月多年录

田土户口

欽 定四庫全書 萬二千七百八十九口六千五十四萬五千八百 土官民共七百一萬三千九百七十六頃二十 四十八口六千一百四十一萬六千三百七十五 天下户口據後 十三萬七千五百二十四頃零 敢零崇禎年間田土據會計册開載見額七百八 一十三弘治十五年户九百六十九萬一千五百 十二萬八千五十八頃八十一畝零萬歷年間 湖 卷三十五年 册 開載洪武中户一千六十五 田

故其地為郊而民則謂之民以其近主而有知 也六遂以耕為主而其民有遂於外故其地為野 周官制地之法六鄉以教為主而其民有郊於 十三萬一千四百三十六口六千六十九萬二千 千二百五十三萬一百九十五萬歷中户一千六 嘉晴二十一年户九百九十七萬二千二百口六 八百五十六至天故崇禎之季荒愛相繼市井蕭 版籍不可問 矣 春明夢餘録 内

先後則各以丁數多寡為次每里編為一 之事城中曰坊近城曰廂鄉 百户為十甲甲凡十人歲役里長一人管攝 而 收入內庫著為成式每歲類報總數十年攢造 制凡行郊祀禮以天下户口賦籍陳於臺下祭 民則謂之 以一百一十户為里推丁多者十人為長餘 定賦役覈隐漏清逃亡法例甚詳 氓以其遠主而無知者也 都曰里凡十年一周 册 册

金定

四庫全書

於至日華 · 年編里甲十年一度輪差其餘年分官司有所營 賦 總為一圖鰥寡孤獨不任役者則帶管於百一十 宜立為等則徵之以夏者謂之稅徵之以秋者謂 户之外而列 則責之藩服州縣若夫丁口之稅百無取馬惟 之糧其額 稽古定制以天下之墾田定天下之賦稅因其地 役 數 則 於圖後名曰畸零 具於黄册總于户部其徵 春明夢餘録 輸 期 限

蘆地五合三勺四秒草塌地三合一勺沒官田一 斗二升歲入賦額其載在會典者不開據萬歷八 五勺民田三升三合五勺重租田八升五合五勺 科 年太倉考所載 為隨時起集傭情事已即休 綿税絲農桑絹折色一十三萬一千八百二十 則陸降洪武初令田起科每畝官田五升三合 剩麥米折銀共二十五萬二百八十五 録之備 考 兩

府部等衙門禄俸米折銀共二萬五千九百八兩 萬二千二百七十四兩八錢五分八釐九毫七絲 馬草折銀三十四萬五千六百一十四兩二錢四 綿布苧布折銀共三萬八千六百一十三兩 二錢 **疋二丈二尺七寸一分每疋折銀七錢共銀九**

| 飲定の車至書

京五草場草折銀六萬一百八十兩三錢六分八釐

春明夢餘録

分零

釐六毫 覇大等馬房子粒銀共二萬三千四百三十九兩 黄白蠟折銀共六萬八千三百二十四兩八錢 前水昌密遼東五鎮民運改解銀共五十二萬三 各鹽運司并各提舉司餘鹽鹽課稅銀共一百萬 千八百二兩五錢三分 户口鹽鈔銀共四萬六千八百九十七两八分八 一千六百六十四雨

欴 定日車全書一 崇文門宣課分司約解商稅正餘銀一萬六千六 錢五分零 百六十二兩一錢六分銅錢一千八百八十七萬 京衛屯牧地增銀共一萬六千一百四十一兩三 備邊地畝銀三萬三千四百九十一兩五錢八分 張家灣宣課司約解商稅正餘銀二千四百七十 七千七百十六文猪牙税銀二千四百二十九雨 五錢七分 春明夢餘録

許墅鈔闢約解商税正餘銀一萬七千三百七十 臨清鈔關約解商税正餘銀四萬四千七百七雨 六兩五錢六分零 河 九兩二錢銅錢二百八十八萬七千七百六十二文 二錢一分零 十三兩六錢八分 江鈔閥約解商稅正餘銀一萬九百九十兩 西務鈔關約解商税正餘銀一萬四千六百三

卷三十五

3E 揚 淮安鈔闢約解商税正餘銀一萬一千四百一十 錢二分零 泰山香税銀二萬兩 九錢七分零 四 新 兩六錢三分零 雨四錢三釐 州鈔閥約解商稅正餘銀九千六百七十八兩 鈔閥約解商税正餘銀三萬六千八百三十 **卧月夢余**束 +=

欽 定四庫全書 太 共銀二百八十四萬五千四百八 富户銀約解三千一十八兩三錢六分三釐 贓 三百五十四兩六分三釐零福建額 銅 册舊庫詢 兩五錢九分七釐零江西額 罰銀十二萬八千六百一十七兩五錢 倉銀庫有舊庫新庫余于崇禎十四年巡視查 錢二千一百七十六萬五千四 數目浙江省額 五月 銀二十一萬五千八 銀一十一萬一 百零 十三兩四錢零 銀一十二萬

南 千五百五十一 兩七錢三分九釐零廣東額銀 兩 四錢六分零山西省額銀八萬七千一百七十 六釐零山東額銀七十六萬三千五百三十六兩 五千九百二十九兩三錢四分六釐零湖廣省 額 五錢三分二釐零陝西額銀三萬九千九百二 雨四錢六分六釐零四川 銀五十八萬九千二百八十九兩九錢三分 十八萬九千一百一十二兩六錢二分零河 春明夢 徐禄 額銀一十三萬 ナニー 額

釐零贵州額銀一萬七十六百二十五兩七錢四 雲南額銀二萬三千三百二十六兩六錢一分四 分九釐南直額 額 分五釐北直額 兩九分五釐零各衛額銀三十萬九千八百 錢六分三釐又條項 萬九千一百四十七兩五錢八分八釐零廣西 銀二萬八千六百八十六兩八錢三分九釐零 銀六十一萬三百二十八兩 銀十六萬二千一百七十 額銀十萬四十九百九 兩

歃

定四庫全書 |

萬八千八百餘兩之多視原額舊餉不啻三四 兩 其甚因也至一加遼詢遂有九百一十三萬四千 額 千六百八十五兩六錢八分七釐關稅額銀三十 十五兩一錢一分六釐零鹽課額銀一百二萬七 '百八十餘兩之多再加練的遂有七百三十四 萬三千二百四十六兩六錢一分三釐是舊 數統而計之不過四百九十六萬八千五十六 一錢五分四釐合天下商民共為承辨猶未見 本月夢除限 古一 倍

矣而所 兵 籍之兵也又議加練 為韌賊之用 昌在兵部 之不存 人民 也剝不成剝練不成練而四海之困窮已甚矣 練之集成勁旅管制紛 猶 謂 毛將安附當日司 此田土餉 勦 議 餉 加剃 的不與馬軍前之私派不與馬猶 既 加而田日荒微急而民 加 詢一百八十萬欲練 陝豫 餉七百 計 江 紜 餘 楚 出 者均寧足食哉楊 彼入 萬將宣薊追兵 報 兵八萬 it 仍舊籍 兵十二萬 张仍 日少皮 售 嗣 JŁ 抽

釛

定四庫全書 |

軍之用後主兵不足增以募兵募兵不足增以客 甘 經費 易曰小人勿用必亂邦也洵其然哉 操其說者沈迅張若麒革誤刷目刷目遂誤天下 明 合用芻 各鎮原自有主兵一鎮之兵足以守一鎮之地其 2 2 5 肅 初邊制止遼東大同宣府延綏四鎮繼以寧夏 薊州為七又繼固原山西為九其防守士馬 糧各鎮原自有屯田一軍之田足以瞻 春明夢餘録

屢請 有 運完欠屯種虚實是後會計歲用先儘民屯二種 民 溢于常額 糧 兵 中鹽 非常蠲減方許奏發帑銀庶邊臣奏討之煩 屯馬料取之採收昔者未當稱乏今動稱不足 調集多于往時而坐食愈衆屯糧不足加以 民糧不足加以鹽 内帑虚 引及各税科等項通融計算裒多益寡或 而 腹心 横費者滋甚大農潘黃言邊 以奉四肢非完策也宜嚴要民 種鹽糧不足加以京運饋 餉 取 餇 辨

迃

Œ

周台 12

所愿矣 為經制繁簡有若天湖边絕者國朝自洪永以來 宗朝固已然耶臣考開國之初及嘉靖之李其所 至艱呼者愈頻應者愈窘何內外相違若是豈祖 追餉匱訟極矣在鎮臣按額而呼尤有額外之呼 者惟邊鉤而軍國之需稱治繁者亦惟邊鉤方今 萬歷中總憲王德完論經費日軍國之務稱重大 計臣按時而應尤有不時之應呼者至急應者 春明 夢餘録 +

有奇薊鎮初不過一萬五千雨嘉靖時增至七十 追自嘉靖始臣請縷析言之宣府嚴額不過五萬 原無年例年例自正統始薊保密昌原不稱邊稱 三萬今不下一百二十四萬有奇延綏初不過 二萬兩今不下二十六萬六千有奇遼東初不過 两个主客的銀不下二十九萬有奇大同原額亦 萬兩嘉靖時增至二十萬三千今不下六十萬 五萬兩今不下四十五萬有奇山西原額不過

쉷

た 正 庫 全 書 | ★

にこうきとは 宗朝土田賦稅非有加于今也乃事不煩而自足 增八九萬四五萬此則少者也總計弘正問各邊 今甲兵戰馬大不建於昔矣乃例歲加而難支其 乎其繼撫今追昔能不寒心然臣伏而思之我祖 竭九州之財力而不足以供括百年之蓄藏而難 萬業已七倍至今日則三百八十餘萬且十倍之 年例大約四十三萬而止在嘉靖則二百七十餘 十萬兩令不下三十六萬有奇其在甘固等鎮或 春明夢餘録

穿戎馬財賦遂分兩塗祖宗朝中鹽於邊納栗 意也折銀之說出則金錢盡出於太倉枵腹咸仰 數十年來謀臣策士為目唱心思復屯鹽之舊 倉有飛輓之利而無轉輸之勞此電錯實塞之造 itt 故 沒 内帑脂膏益竭芻栗愈難米珠薪桂可為扼 趙 何也蓋祖宗朝寓兵以屯且耕且守有備無患 完國金城之遺蹟也自屯田之法湮則經 而難明屯丁蕭索而賠苦人皆逋逃地為 於 界 陷

页四周在書 |

灾 足 引 和 A B 一型 崇積二年倉場侍郎南居益查奏京支出數 虛 中書行人鴻臚寺欽天監上林苑監順天府宛大 在京各衙門如宗人府五府六部翰林院詹事府 財有道舍此何由 至諄切矣然棒莽之區竟無畔岸開荒之報多是 都通大太常太僕光禄尚寶六科十三道國子監 , 縣自公侯尉馬伯及錦衣旗手等衛指揮經 文逐末之輩率惮耕耘開墾之譚卒成盡舒生 春明夢飲録 歴

醫舊制院使一員院判二員吏目十員御醫十員 **暨各衙門監吏各俸銀雖陸遷名數時為增減較** 官醫共計五百三十三員名但查每年見支俸銀 十三員名迨天改年問增添日多及至崇禎元年 數歲之中以為常每歲支銀十四五萬餘兩惟太 三千三十一兩零比萬歷四十六年歲支已多銀 百一十員名沿至萬歷年間官醫已增至三百二 惠民局生樂庫大使副使各二員連醫士共止一

萬歷四十六年每歲支已多銀二萬七千四百九 查每年見支俸銀三萬四千三百二十一兩零比 崇禎元年官匠共計三十一百九十八員名今但 至七百六十三員名追至天啟年間增添日多及 匠 二員洪熙元年添註大使副使六員後仍裁革其 千三百六十餘兩文思院舊制大使一員副使 餘兩若較 役名數俱不甚煩雜沿至萬歷年間官匠已增 祖制各不啻數倍相懸究何關於有

次足日華 公告一

春明夢餘録

甲夫司苑局召買豆草丙字庫召買黑菜豆穀草 品丙字庫綿花紙欽天監歷日版片惜薪司抬炭 觀樂舞生布絹小麥黄豆芝麻折銀光禄寺厨 價又煮豆萬指價供用庫召買正旦元宵端陽中 無之數哉其餘京軍布花太常寺小麥光禄寺果 秋三草年例香蠟價光禄寺錢鈔禮工二部賞夷 冬布折銀器四殿小麥惜新司炭餅糯米價內官 兵部各紙筏夫廣盈庫題染顏色商價神樂

<u>-</u>た 糧又衛營家丁鹽菜馬匹料 草錦衣衛禁兵廪 草料折銀叉將軍馬匹草料又禁兵春秋二操口 錫 供 常寺祭祀猪價陵寝墳園公侯駒馬造墳及會試 旗手通州等衛馬匹糧草折銀定慶陵做工鹽 合用米麥折價銀作局造册金價承運庫御用監 用庫丁字庫凡遇吉山典禮題買金珠香蠟銅 價各衛軍伴優恤各倉故官錦衣衛宣官馬匹 召買稻草價外供用庫召買黃菜豆穀草價太 L. Lin IV 春明夢餘録 主 銀 糧

<u>ج</u> ق

Ē

喾 京 食公費三王府鹽菜銀崔黄口三大营勇士四 督房價 梓宮口糧草料銀各衛所月糧折色等項銀增減 月 工食等銀訓練營并通州三標營鹽菜草料 糧 糧草折銀京營飛石教師口 糧廳祭祀各倉籌架造斛修理閘河各衙門 搞賞巡捕營官軍并馬匹科草各官心 糧 訓 訓 練總兵家丁鹽菜料草三大等營護送 練三大營鹽菜草料行 卷三 糧 糧 山東河南 銀 各衛 紅 班 觧 傠 總 新 番 軍

Æ

欴 定四車全書 難 後議每馬月支銀八錢六分及選鋒題增全馬振 兩 惟是三大管馬匹草料銀萬歷年間歲支銀八萬 者有無容輕議者及典禮修舉不時營辦數多擅 七千餘兩至天改三年遂增至一十八萬四千餘 近天啟七年雖經少減尚計一十六萬四千五 預定而米折籌架數項分隸漕折合行另算外 餘兩查舊例每馬一匹月支草料銀五錢六分 每歲約支銀四十五六萬迄今有見在停 春明夢餘録

兩 平易州 六百七十二兩八錢九分密鎮止一萬五千兩昌 其京運售額在薊 按 武營添馬六百匹遂比舊例歲增銀八萬餘兩矣 又查奏邊鎮年例數目 大同五萬兩山西二萬兩延緩十萬兩寧夏四 雨甘肅六萬兩固原四萬八千八百七十一兩 永樂正統之間各邊鎮不過有償運糧料之例 井陘并無京運遼鎮止一萬兩宣府五萬 鎮 止五萬雨永鎮止二萬八千

卷三十五

夏主客兵銀四萬五千雨甘肅主客兵銀二萬 萬兩延終新舊主客兵銀二十九萬七千餘兩寧 防 永平四萬八千餘兩密雲三萬三千餘兩昌平 毫迨世宗朝始議宣大山西每年發主客兵銀 **十五萬五千餘雨薊州主客兵銀五萬六千餘** 餘兩固原主客兵銀五萬兩隆慶中又增昌平 秋銀一萬六千餘兩嗣後又議四川撫 弘月多余東 按及茶 雨

二分叉犒賞銀五百八十八兩八錢二分二釐五

支幸減至二十六萬五千三百九十一兩零永鎮 萬五千兩後增至二十九萬四千三十七兩令見 薊鎮原額銀止五萬兩後增至三十八萬九千四 百九十三兩實軍撫商之數不與馬今見支又增 多寡不一尚未至十分懸殊也嗣因覆定經制在 遼東山西三關等處准作本年應發年例雖沿革 馬各衙門贓罰稅科等項改解延寧甘固及宣大 四十二萬八千八百九十二兩零密鎮原額銀

歃

定四庫全書 |

屬為幇支奉本部題奉欽依每年正幇新庫銀 萬二百三十二兩零逢鎮原額銀一 十二萬兩自萬歷四十六年發難始設新庫其 七萬三千九百九十二兩令見支幸減至一十 六十六兩零昌鎮原無舊額後增設京運銀 千八十五兩今見支又増至二十八萬九千八 葴 用 銀四十一萬七千七百餘兩後又增至五 **取月夢本录** 萬兩嗣後本 銀 四

原

銀二萬八千六百餘兩後増至二十四萬

府原額銀五萬兩後增至三十三萬三千二百二 今見支又增至一十七萬七千八百六十餘兩宣 客兵年例銀二萬八百餘兩後増至五萬九千 六百三十餘兩今見支又增至四十五萬六千三 萬兩易鎮先止河南山東扣送太倉糧價抵 兩大同原額銀五萬兩後增至四十二萬四千 餘兩个見支幸減至二十九萬九千一百五十 餘兩山西原額銀二萬兩後增至二十一萬 雨 作

釭

定四庫全書 |

C 20) 12 1. 1. 1. 1. 两令見支又增至一十九萬七千五百餘兩固原 **肅原額銀六萬兩後減至五萬一千四百九十餘** 六十餘兩今見支又増至四十三萬三千七百餘 延綏原額銀十萬兩後增至三十六萬七千二百 今見支叉増至一十三萬三千七百九十餘兩 兩寧夏原額銀四萬兩後增至五萬二百五十兩 額銀四萬八千八百七十餘兩後增至六萬! 春明夢餘録 丰四 甘

千六百餘兩令見支幸減至二十萬六千三百兩

便 經 两 百三十二兩今見支叉增至一十四萬五千八百 二十三兩零又萬歷四十二年下馬關召兵賣馬 見支與經制較内密雲昌平宣府山西 左右正兵四營歲支銀四萬二十三百七十 其餘九鎮又增銀五十五萬四千四十餘雨宣 以上除遼東一鎮今見增數不開但據太倉考 與原額較內除甘肅一鎮稍 銀二百八十六萬一千七百七十餘兩今再 減其餘十三鎮 四鎮稍

金贞

四月全書

卷三十五

東 己 日 Lo Lo Lo 萬歷問奏疏天下之所入為一千四百六十一萬 内 乎抑備禦日煩募選日增不如此不足以為四裔 六十六萬餘雨矣 拖欠無償也合營馬草料醫文兩院月俸共增銀 之守耶在各邊鎮計口授食必自有說但朝廷出 屯鹽之政久格而不行故主客軍詢盡改為年例 供 祗有此數入者幾何出者無算又何怪年例之 春明夢餘録 主

礦 百萬項詢臣請改折一歲而陛下不許豈以 過一百二三十萬而絲綿絹疋醋茶顏料則將 刑或有亡故籍其所積耳然而内帑之克物已三 使以孝順名目日竭其資尚不能承古則加以嚴 下安得而知之愚竊痛馬令陛下有贖貨之名而 不可缺哉然在朝之士未有為陛下言其故者陛 而入于内府者為六百餘萬其為金花籽粒銀不 既罷以來實未嘗横取於外不過損抑內監 内供

其子弟之業以其餘應上耳夫好利者取之於外 外不得與聞外事豈能雨栗生金以供上之取哉 古所無矣夫内暨自刑入宮豈有私財自東厰之 特未思耳而羣臣又莫言徒日夜請內帑上曰內 求之於人未聞以所有之物聽其恣盜又從而取 不過刻削內供甚至陰為盜賣恣其奉養之娱足 **帑者非取之民民之脂膏非由内帑而竭非取之** 之徒以聚衆怨失令名何其左也陛下天縱春聖 春川多除课

為改折、 有司 内庫者不可得而給皇城縣城北甲乙丙丁戊五 無不可何必宛轉其事而坐受其弊哉此清源之 則 者也天下財賦入户部太倉者可得而稽 則 可以歲損數百萬即明入內希備不時之需 有司之庫藏非由內帑而虚司計者曷不圖 以萬請而萬不應也令若為陛下言致財之 檢核之間而姦弊一無所容足所供需量 則可以應目下之急清其弊源無使冒破 亦

歃

定四庫全書

女官庫 皆不報會廣東解金花銀至公謂大司農李汝華 日每歲廣東解金花銀兩恭進大內此近例也項 鹿定與善繼為户部主事時遼東方缺詢請帑疏 附記金花銀 餘皆入內女官庫雲南各處礦銀各開辦銀竟入 内文華殿南是内承運庫以收銀網除歲用外其 春明夢除陳

庫與天財承運等庫以收贓罰銀香料等項転城

쉷 定匹庫全書 夫曰緩急取足是内府與外府分用也曰備各邊 考會典國初金花銀折糧俱解南京供武臣俸禄 及各處京運錢糧不拘金花折錢等項應解內府 府歲以百萬為額嘉靖三十二年題准三宮子粒 各邊或有緩急亦取足其中正統元年始改解內 部有扣留之議此時仍進大內則部議終成盡 欲經解太倉則俞吉艱如拔山莫若題留為便 併催解貯庫悉備各邊應用不許別項那借

2) 皇上批發度之高閣而中消熒惑其間急難得古 邊烽告急軍糈乏用即舉金花全數一旦復還太 不留係於進與不進此際間不容髮萬一宸怒不 倉亦率由祖制非奪大內所有而益外府也惟是 測 至 面題知一 如帑金之緘騰不可問天下事為之有機留與). 15 T 身任罪不然局外者方議留而局內者且 面劄納 春明夢餘録 銀庫轉發遼左權自外操不 ŧ

不許那借是備外府專用而內府不得旁分也今

勒 執善繼語回奏死生惟命不敢易一字也中官數 矣然實未發也中官傳嚴旨促令補還公曰 息而去無何堂官奪俸二月公降一級調 何 如 議進無論清議不可即主上視吾輩何如也司農 問太倉云何管太倉主事劉荣嗣 違公力持不可謝思日中官闔門扇不聽 用借無銀叉安用 公議上請上怒奪公俸一年勒令補還司農不 補中官愣胎不 報日發三日 敢應公曰但 有 公出 銀

鱼灰匹

戽

全世

卷三

十五

二 子 日本 A ALIO 惟是地方因事加添司道每年增定吏書受賄 崇積元年七月户部纂修賦役全書尚書畢自嚴 意那移有一州縣而此多彼少者其弊為溷派州 巴四十五年矣查賦役初定錢糧數目自有定則 上條議曰看得賦役全書肇自行條鞭法始距 賦 疾 役全書 去 春明夢餘録 仐 任

朝交章請留不報擬降山東運判亦不報公逐移

某則應該糧米岩干斗升該科銀幾分幾釐逐項 縣奉行而不敢問司道偶增不過千百中十 全在撫按先為裁定令當亟為申飭其說有八 為怪二者乃萬內通弊牢不可破者也欲清其弊 有可不肖者一 科其間有上中下不同而則次亦異如某地 分而即加二分者其弊為花派小民遵行而不 錢糧之規則宜明也省直錢糧因地起糧因 聽奸胥之暗洒派分如每兩因 係 糧 カロ

)

卷三十五

定 <u>ج</u> ع 府 起 省直錢糧名色雖不一大約 别 共 則 5 開 錢 合省總省合部 解 明 起存支解撒 Zi dalo I 存留兩數宜令各州縣不論賦 白以 糧之大縣了然矣 總次開二項各揭一 則 例定編 數務 春明夢餘肆 總一分一合不爽分毫則飛 期 派之額以編派 撒合州 總 總又於二項之下備 田 撒之確數宜核 賦 縣 總州 均徭二項不 徭不 衡出入之 丰 賺 合府 論 起 離 數 洒 總 存

開

載明

白由升而合斗由分釐而合錢上中下分

原 某年事停除豁勿溷原額之內至遼餉一 開 合舊額若干令果有裁減否逐一開明 石 糧 自各分此係新增不在全書之內令亦另開 敢起科者有因田糧起派者與舊額京邊錢糧 减之弊絕矣 納 入撒 既 有則例當以萬歷初年賦額為準從前糧每 銀幾錢幾分又於某年因某事又增銀幾分 數其有裁減如征播 新舊之糧額宜断也省直錢 征倭等項亦須 不得一縣 款 有因 開明

贞

居台 1111

卷三十五

灾 定日華全書! 拈 幾項逐一開明其應加裁法并應改充的者亟為 將 項 臣 備 開列宜詳也以新 出 存留錢糧先查全書原額若干後因事加增 在各省直地方支銷者頭緒紛 部 也夫解京有官運解邊有民運悉屬起解 聽臣 於崇禎元年會計册內刊有成數而存 部 酌定議改不容隐匿者也 春明夢餘録 飼言之雜項數 乱難以窮究 款而 丰 抽 扣 雜 餡 者 項 須 項

項

則

新舊二項瞭然明白矣

起存之瑣細宜

食 年來因驛遞苦累多有額外加 増 額 見存仍可以量裁者凡隸某項即於某項開載 官冗役先由撫按題准裁汰仍留以充鉤者并今 派宜減也驛站銀兩在原 眉 若干令裁減充新舊二項若干分別明晰 而司道公費修理衙門等項括於其中又有冗 雜支公費等項括於其中以舊項言之會議數 **俾與存留數內總撒相符可也** 刻書内者自有定 增而他處之協濟 驛站 較 原 額

數 莱 屯之出納宜清也凡各省直賦役書內多不載民 増者俱應註明裁去以蘇民国於萬一也 將原徵民屯銀兩 屯 之東省由東省而推之天下無處不然合令省直 猶多是病民也今後務照原額 銀是以豪右得以肆侵吞衛弁得以恣乾沒 州衛指揮楚邦禎具奏已有左驗由菜衛 春明夢餘録 并支銷款項 存剩數目另項造 派徴 凡額 手 外 顸 推 據

不與馬目令功令新領郵傳廓清出數既少而

項下貼一浮簽明註某項因何應刪改增減某項 當再駁如將賦役全書通行繕寫未免免費時日 應即省解部用印鈴蓋以憑酌議如全書未備另 合令省直撫按裁定賦役如全書詳備者止於本 于昔不宜于今者皆當商確裁定裁定未妥臣部 之册式宜簡也各省直送到全書有詳有界有宜 入簡 簡冊以便東編近者限三月遠者限五月送 明册内以憑彙編無容遺漏者也 裁定

歃

定四庫全書

事思過半矣此外合通省計之地方有肥瘠通寓 查奏舊餉 道自能酌定而非臣部所能預擬者也 彼遂無者務令詳造不許掛一 内計之風土有南北中間均一款項為此所有而 崇禎元年主事周夢尹疏言地畝正餉約以三分 起解歲入太倉反不及九釐古令户部查奏尚書 **東月夢涂束** 漏萬此在撫按司 丰二

部要以寧連母遲為便計耳八議既備而裁定之

農事例等項約居過半其實地敢起解者懂一百 五十六萬耳取一百五十六萬之銀坐派于七百 萬七千五百二十四項有零所載太倉每年額入 畢自嚴疏曰夫田賦之有留存起解也可按籍而 仍有在京衛所屯糧秋青鹽課贓罰備邊缺官吏 以充邊的者實該銀三百一十萬五千有零然內 崇積會計册所載字內見額田地七百八十三 視起解之有本色折色也亦可分款而稽核謹

飲定四庫全書 | ₹

共四十八萬五千有零計畝而論為數幾何即夢 貴四川廣西等處截留的銀拉北直抵買遼豆銀 七十一項所稱天下雄藩財賦之鄉實計解之太 尹浙江人也浙江一省額地四十八萬一千八百 倉充為遼餉者共銀五萬六千五十四兩零計畝 而論僅得一二釐耳即此以例其餘地畝有肥 一十三萬七千五百二十四項有零之內雖有雲 例有差等恐一畝之起解固有不止三分者亦 春明夢餘録 吉 瘠

禄米河工站價科舉公費廪俸工食等項又不啻 朱炭軍器等項動以數百餘萬計而又加之王府 邊鉤也請以起解項款言之如漕糧有四百萬白 有不満三分而三分之起解實未盡入太倉而充 兵部之柴薪工部之料價及內供本色織造級足 殊添芝麻紅花桐油銅鉛膠裝槐花茜草等項暨 軍折色則三百五十六萬餘內供絹布花綿蠟茶 糧則二十餘萬而南糧不與馬金花則百餘萬民

金

方匹厚全書

飲定四車全書 -撙節 也 量出以為入是謂虐政既不量入為出又不量出 幾百萬凡此廣浩繁項不可枚舉孰非賦自地畝 以四分制國用每歲用三存一以備凶荒故三十 為入雜然而收泛然而用是為無政考成周之制 李康惠承勛定經制疏夫量入以為出是謂仁政 則計歲入太倉歲充邊鉤者真無異馬體之毫末 春明夢餘録 幸五

時, 實通查一歲天下稅糧所入總計若干經國之費 無而制國用也近年以來户部雖有會計之虚名 總用若干首兩京次各邊各省直隸各府每歲 年之通則國有九年之積漢之時則有計相唐之 而無量入為出之實政臣愚謂當因其名而舉其 歲之用存一以備不測之虞萬一所出多于所 所出俱查有的數分為二目做周禮用三以足 則有判度支宋之時則有判三司皆所以會有

卷三十五

益之此十年一會之大網也若歲有豐山事有多 備御覽然時有盈虚事有因華每十歲一會而損 于入之數通將出入總數攢造黄冊一本進呈以 道撥此補彼又在臨時通融議定務使所出不踰 于昔而浮于今日必考昔之所以約者請而復之 又考今之所以浮者請而約之至于東多益寡之 少每歲十一月户部會奏各官通查某處災傷蠲 入則會九卿于堂上科道官各查凡百費用有約 春明夢餘録 手六

用一切 四月全書 有義而財恒足矣 浮費別公私示正路也經制一定取之有經用之 免若干某處用兵該用若干則以各處茶鹽商稅 之所入者補足錢糧正額以備軍國正支其餘雜 進呈御覽揭帖一本臣等看得國家財賦正供 居正歲賦出入疏伏蒙發下票擬章奏內有户 不以給供養盖不以本藏給末用不以民力供 不得靡費漢母將隆所謂大司農錢自乘 卷三十五

埞

司 忽皆在其中矣嘉隆之間海内虚耗公私貯蓄殊 可寒心自皇上臨御以來躬行儉德覈實考成有 加以北庭款貢邊費省减又適有天幸歲比豐登 餘萬兩而細至吏承納班僧道度牒等項毫釐綠 之數總計一歲輸之太倉銀庫者不過四百三十 求之擾矣臣等方欲俟國用少裕請皇上特下 得倉庫貯積稍有贏餘然問間之間已不勝其 催 徴以時通員者少姦貪犯贓之人嚴逆不貸 **弘月夢余**未 1

留蠲 納 萬兩矣五年歲出三百四十 而六年所出乃至三百八十八萬八千四百 百五十五萬九千八百餘兩是比舊少進八十 四百三十五萬九千四百餘兩而六年所入僅 故入數頓少又雨次奉音取 比舊多用四十萬餘矣問之 租之詔以慰安元元之心今查萬歷五年歲入 免數多及即年追贓人犯 九 該 萬四千二百餘兩 用及凑補金花 財産已盡無可完 部云因 各處 餘 奏 兩

釺定

四庫全書

持已覺費力脱一旦有四方水旱之災疆場意外 匮之之虞乃令一歳所出反多于所入如此年復 者也比時欲取之于官則倉廪所在皆虚無可措 之變何以給之此皆事之不可知而勢之所必至 所入必積有一年之餘而後可以待非常之事無 夫古者王制以歳終制國用量入以為出計三年 年舊積者日漸消磨新收者日漸短少目前支 春明夢餘録 丰八

欠銀兩計三十餘萬皆額外之需故出數反多也

庶國用可裕而民力亦頼以少寬也伏惟聖明留 等所深憂也夫天地生財止有此數設法巧取不 窮勢蹙計乃無聊天下之患有不可勝諱者此 手欲取之于民則百姓膏血已竭難以復支而民 部所進揭帖置之座隅時賜省覧總計內外用度 能增多惟加意搏節則其用自足伏望皇上將該 之務使歲入之數常多于所出以漸復祖宗之舊 切無益之費可省者省之無功之賞可罷者罷 臣

鱼灾

庫全書

<u>ر</u> د 意 鱼 田得買賣糧得過都尚賦役册 而詳其舊管新收開除實在之數為之緯而賦役 而土田之訟質馬其黄册以户為主田各歸其户 之法從馬其後魚鱗冊歲久漫漶至亡不可問 之諸原坂墳行下隰腴沃瘠鹵之故畢具為之經 繗 脩魚鱗册以土田為主田各歸都黃履畝而籍). Lin 1 册 春明夢餘録 獨以田從户而 主九 而 田

灾匹 歸本户有推無收有總無撒名為懸掛挑回者有 賣户不過割及過割一二名為包 絕户内名為死寄有花分子户不落户眼 中唐冢宰龍為江西巡按時一疏矣疏言國初 虚 厚全言 成賦縣有定額歲有常徵近置買田產遇造 賄里書飛洒之見在人户名為活洒有暗裁逃 在不復可辨知于是飛洒寄說買賣推收其為 偽至不可原詰求其言之痛快可行莫如嘉靖 納者有過割不 者有留 計 册

將原糧填入原户歸之原田而黃總都總縣總造 高下之科分肥瘠碗沃之等均崩灘開墾之數各 道分詣地方督州縣將飛洒說寄弊源重者隨田 由是户口日耗盗賊日熾告計日滋乞令巡守二 賠償小户逃絕責之里長里長逃絕而糧長買累 户皆空中之影以致派糧編差無所歸着俱小民 暗襲官紳脚色捏作寄莊者在冊為紙上之桑在 **丈量輕者隨户清理究首尾之因度廣狹之則定**

钦

定四車至書

春明夢餘録

區定畝 衝 安 莫 上府 野多 **黔命量人步阡陌命算人制** 如裕 水 與田 山白于上為大量命者老董其役命區長 州 冊十本甲各收藏 坡 因 州 縣 有一定 畝準税區為綱 坂 知 上南 地 11 硗 安 京 确 之則 如 後 土雜 山為善矣裕州 湖 為 收 縣因造冊為大造為 畝為 架 砂石 便 求其綜 俾 不皆可 畝 因户 E 縚 分精 故 推 覈 覈 田 麗 阻 田 田 国 險 畝之 目 版 種 籍 狀 則 糧 冊 知 驗 法 因 四 11 縞 四

詹事霍翰 徴 麓 百四十九萬頃有奇至弘治十五年存額四百 岡 田 隰膏腴之田一 疆土别 解字鋪舍屋市之 則 田三而當一 4 45 從減咨詢編故 疏臣查洪武十四年天下田土原 故下有定 山石 而當一平石 春明夢餘録 輸此皆可為天下取 人無適情版籍明 陡陂之田四 税蠲之田溢 岡 田二而當一 而 税 當一陂池 則 早二 從增税 故上有定 法 額 山 溢 林 石

漏

敢敢為

母稅為子母以權子則無逋稅平行原

灾 Ē i į

事當創 先年魚鱗冊籍與男到各屬近年黄冊逐一查對 督撫二臣專委道臣及各府正官請將南京後 要見某州某縣原額田土若干見令成熟若干 十二萬頃有奇虧額強半彼承平相 後所 若干坍沒若干成熟者有無欺隱坍沒者曾否 抛荒者作何開種各督撫委道府官親履疆 始計慮宜周地係久荒經營不易宜勅下 虧不知凡幾矣此斷當亟為經理者也 繼事猶如 湖 顀 ut

广大 ع 9 **丈量除欺隐者追出還官坍沒者照數開破及荒** 家定限墾田一項田多者仍照項加算至十項而 田原有人個領代糧者仍准承業俱無庸另議 佃或南方五項以上北方十項以上有産之家毎 止或設有官兵之處每一百名以七十名操防三 not do dun 1 名承佃三番屯種 一應丈出田地採訪輿論或借給牛種召人承 春明夢餘録 如古營田之制或每縣民肚 野二

延召端方通敏致仕鄉官公直人等細加體

勘

費于無用上為千秋之業而獲有百倍之饒矣 Ľ **亢者有瀦卑下者有障固非尚完于目前亦非** 兵 五七十名責令量分三分之一領個各預借二年 之田必有溝合數十溝之水必有川合數大川 深尺廣尺畝達于溝深廣四尺之制但合數百畝 例 THE AT THE 糧工食以 必就窪而為湖 陞 租 其開荒之法即不能做古井田一畝三献 便備辦犁鋤工本三年以後方許 以達于河于江 而 滙于海則高 糜

欴 定日華 4 年5 | 中夏税 甲 差 役至嘉靖四十四年議 生里下騷然其必其命浙江為甚羅尚賜巡 有 役之法洪武以後皆以丁糧多寡編 條鞭 江時乃奏請行一條鞭法其法通府州 銀力差各若干總計十里之田 餘則留二三甲用不足則提二甲補之久之 秋 糧存留起運額若干均係里甲土貢 春明夢餘録 准行十段錦 派為定則 冊法算該每 罕三 派大小差 如 偃 按

分十人而運之力輕易舉也諸役錢分給主之官 之役也輪甲則十年一差出縣多易困條鞭令每 十甲充一歲之役條鞭則合一邑之丁糧充一 起運完輸若給募皆官府自支撥蓋輪甲則遞年 妆 出辨所出少易輸譬則十石之重有力人弗勝 歲中所應納之數于帖而歲分六限納之官其 不輪甲通一縣丁糧均派之而下帖于民備載 加銀額若干通為一條總徵而均支之也其徵

卷三十五

灾 AND DEED AND THE TOTAL 有司之酌處乃一倡為節省之說各款盡為裁減 條 有 相 Þ 立 為即省而其實有大不便于民者則今日之清 承募人勢不得復取贏于民而民如限輸錢訖 法者貴其可繼故改鞭之始尚寬有餘 當國復下制申飭海內通行者將百年而今又 臥可無復追呼之擾此役法之善者也後江 鞭是已里甲之累民易知也以故改而為條 不然者余讀懷柔縣志載賦役議曰天下有 春明夢餘録 日十日 地以 陵 俟 鞭 名

倪 釸 有策以復條鞭之舊乎 而益 甚于加城竊謂今日之裁減太甚徒掣賢者之 减之又减以至必不能行矣而各款將終馬已乎 之累而今雨累之大家為掩耳盜鈴之計其害更 必不能已則私役里甲以濟之者也昔止一里甲 文毅岳疏祖宗舊制各設有鈔關收受商稅俱 黑 以恣不肖者之無忌惮困民極矣司國者 Salar Sa 將 肘

压图型

t 官節 官員 通判等官職卑責重上受巡撫巡按分巡分守等 狱 委各本府通判等官管理行之百年雖不能無弊 行巧立名色肆意誅求船隻往返過期者指 ス嚴 不 課鈔亦未見其虧客商船隻亦未見其留難 7. 1. W 出 敢 制少有不才随加罪點故 刻為風力籌算至骨不遺錙鉄常法之 理 在 闖 課鈔其間賢否不齊往往以增課 生事動擾客商近年以來改委户 春明夢餘録 非 極妄無知之人 計五 為 能 蓋

2)

í 客商 員 四月五言 頡 稱 猶 有 勸 罪 魠 頏 是有名其科罰勸 不 打造坐船率皆借名入已無可查盤 借 狀 號哭水上 足以 從 有本 出 輒 部 輕 力口 肆無忌惮莫敢 委各處巡撫官視為實客巡按官 課 則 科罰商客資本稍 痛 次見者與憐夫增 該 銀十两 行笞責重則 巻三 借者或倚 + 科罰 £ A STATE OF THE STATE OF THE STATE OF 誰 生ソ 勸 多者稱為殷 何 ソソ 稱 課 借至二十两 他事連 致近年客商 為 修 理 國 一公解或 况 雖 富又行 it 稱 船 等官 侍 聚 拆 者 懼 倚 飲 毁 少

一次至日年 二二 蕭彦商稅議商稅做古關市之意以佐國用胡 委官如法奉行務要公私兩便商民不虧庶幾人 怕 如 心快悅怨聲消弭而天意可回矣 裕民之初意哉伏願聖明俯察民隱特勅該部停 已也顧法愈詳稅愈重視國初異矣他姑無論 新例遵復舊制仍勅鎮巡等官時常糾察各府 河西粉大小貨船船户有船料矣商人又有 征求多致賣船棄業此豈祖宗設關通商足國 春明夢餘録 四十六 RP.

腾贵而民困矣獨奈何不一蘇之為商民計也准 今因之者約所增三萬有奇而商因矣商因則 税手而不落店家徑赴京賣者彼且未當進店也 之内轄者三官一貨之来權者數稅所利幾何而 銀進店有商稅矣出店又有正稅張家灣發買貨 可堪此夫船料舊也條船果舊乎出店進店可重 Ŀ 河西務有四外正條船矣到灣又有商稅百里 徴收何名乎此萬歷八年該司即中之議而 卷三十五 物

韶陳言以禪聖政以回天變事該本部置立空白 司農梁材鈔關禁草題例疏查得嘉靖四年為應 儀真之稅既非祖制亦無重獲曩言官之疏詳 安四稅下及脚抽真同商買議者以為權宜之所 乃以該地方執稱軍的之充為數幾何不可議罷 不可已矣然不可漸減耶而日用米穀進出店 諸如此類難以枚舉此商稅所當議也 如河西布疋通州油賽類者又不可蘇耶至于 春明寧絲録 コャベー

楊異題該本部議行各鈔關委官自文書到日為 其逐日填寫船料商稅數目差消之日将一扇存留 簿一扇交付府州縣委官令将收過錢鈔眼同各 始于附近府州縣內行委佐武官一員與同簡鈔 本關備照一扇委官收執一扇差人解部查考等因 又為陳言時弊以得國用事該雲南道監察御史 印信稽考文簿三扇發去該鈔剧委官主事收掌令 役查收錢鉤不必另刷號紙就將原立稽考文

新定四庫全書 1 N

籍三扇應存留備照解部俱照舊施行如此而猶 于皂緑門子書算等項聽各該有司審編照常 指實然行吏部不待考察即時罷點以示懲戒至 有不够產隅不惜名檢者是謂衣冠之盗聽本部 送役不許自行收取更換致生物議仍要嚴加訪 府 將親筆于前件項下照款填註明白錢鈔照常發 11 縣收貯季冬解部類進差湍之日仍將部簿 取月節 余梁

役登簿呈報主事查見在實數并將文簿二扇即

古是各鈔關次受商稅船料雖稽考嚴客而宿弊 物 察如有積年充當及各作弊情由徑自奪送各府 行點罷欽此又為改收權稅以便商民以濟國用 後務差老誠無静的去嚴加關防覺察如再有貪 不能盡除差去官員亦多苛刻取盈往來多怨今 **ソ**ナ] 件不得一緊混抽等因嘉靖七年本部題奉聖 縣問罪發落抽分之時各商裝載柴米并自用 不惜行檢的你部裏便祭行吏部不待考察就

飲定四庫全書 /

崇顏二年户部議權額既南北權關凡入有舊額 轉發各該附近府州縣官庫收貯按季差委經收 鈔 合無行令各該鈔闊委官主事將經過軍民船隻 古是准議行欽此 役依限解部轉送內府永運庫收貯等因奉聖 納錢鈔自嘉靖八年十月初 貫折銀五釐每錢七文折銀一分傾寫成錠 春明夢餘録 一日為始照例每 四九

事該巡按直隸監察御史魏有本題該本部議擬

増二萬共八萬七千五百两九 有 奇天啟五年加增一萬五千共四萬五千六百 五千天改二年加增二萬二千五百天改五年加 年加增二萬共五萬七千五百餘两 新增查北新關原額四萬天政元年加增二萬 原 放五年加增二萬共八萬兩許墅關原額四萬 有奇天改元年加增一萬二千五百有奇天改 額二萬二千天改元年加增七千六百两 江關原額二萬五 而雨 准鈔 两 有

卸定

四庫全書 /

卷三

たこりる 干两 **關原額銀八萬三千八百兩** 耳崇文門原額六萬八千九百二十九 两 二萬 两天啟五年加增一萬共二萬五千六百兩臨清 與新增之數也查以前惟關司屬有加額起 以上二關并無加增因解不足額臨清議減 關原額 兩河西務議減一萬四千兩總期于必完 加增二萬共八萬九千九百二十九兩 萬三千天改元年加增二千六百 春明夢餘録 河西務原額四萬六 平 此 舊 者

`

金 灾 匹 務要全解毋託空言仍不許借口增稅致剥商膏 尚有完欠不等應于解羡餘內仍量增五分為 每雨加美餘五分解入太倉查正額已兩經議增 於差有名無實後因大工已竣題改助工為助的 差照正額每兩加美餘一錢後来各差所解多寡 者 厚生 1 最少溢額為優紀又查天放六年奉古助工稅 既正額通算合計八關每年共增銀五萬餘 有 解不足額者今再申飭嚴加考核以完欠為 AND DESCRIPTION OF THE PROPERTY OF THE PERSON OF THE PERSO 兩

費而不開利源不幸而至於匱乏猶當計度久遠 獲其效故古之理財者太浮溢而不驚厚入節漏 諸生乃風以力本節儉其言似迁然昭帝行之卒 以植國本厚元元也賈生有言生之者甚少靡之 以叢物議至差滿日亦同正額芳核庶法平而商 張居正日余當讀鹽鐵論觀漢元封始元之問海 因敝極矣當時在位者皆扼擊言權利而文學 稱因羨報而數亦頓增矣

一欽定四庫全書 | 榜示天下使其周知 嫁娶丧莖之物舟車絲布之類皆勿稅爾户部其 者甚多天下財力安得不此今不務除其本而競 天下鹽課惟兩准為多浙次之長蘆次之福建無 民害稅及天下纖悉之物朕甚恥馬自今如軍民 因賈監以益之不亦難乎 洪武十三年六月諭户部日曩者奸臣聚斂深為

賣阻亂者處死竈丁給以滷地草場每引給工本 嚴禁食禄之家不得牟商利一切請乞悉絕之私 舉司者七歲辨舊額一百一十七萬六千五百二 場無之故処運俱無總計天下設轉運司者六提 五帥之上此夾带律問擬初制每引納銀八分栗 十五引每引五百五十的多五初以下照例割没 二斗五升商人納粟於邊受鹽於場無守之之苦 春明夢餘録

巡差以行無遠地河南場無運官以出有專所廣

近四庫全書 | 1 索日繁而鹽法大壞且易栗而為銀不之塞下而 常股存積之法常股七分以為常而存積三分以 鈔二貫五百文復其雜役有餘鹽官自出鈔收之 户部尚書李汝華疏國家財賦所稱鹽法居半者 待塞下之急倍賈開中越次支放又引價日增需 造其議者户部尚書葉洪允其請者內閣徐溥也 之鹽司於是塞地盡荒邊儲俱匱而邊事亦大壞 下以資竈户上以攬利柄故鹽法行自正統中有

金

たこう **災兩准歲解六十八萬有竒長蘆十八萬山東八萬** 葢歲計所入止四百萬半屬民賦其半則取給於鹽 完不缺額庶合民賦牽補邊計循少二十餘萬乃全 糧二項併舊額新添計之實有二百餘萬之數每歲 中鹽糧銀准浙蘆東共該銀六十餘萬兩總鹽課鹽 兩浙十五萬福建二萬廣東二萬雲南三萬八千各 銀數實共該鹽課銀二百四十餘萬兩又各邊商所 有奇除河東十二萬及川陕鹽課雖不解太倉并其 春明夢餘録 五十二

鹽之法以疏之嘉靖末年鄢懋卿増行引三十五萬 甚正德末年權閥占窩准鹽大壅至嘉靖初年為小 竟何如也益我朝鹽法自正德迄今凡三壅而今為 之迄今十餘年来墙課横行准鹽復益大壅謂亦宜 准鹽復大壅至隆慶初年靡尚賜做小鹽之法以疏 行見引附疏積引為題目以預關引目改行小鹽做 准鹽法須以急救二商為主以急復祖制為經以正 小鹽之法師其意以疏之臣茲不揣竊謂今日兩

たこりを Man || 前人已事為方畧預關引目所以行新引也改行 攘臂而争超馬者惟是舊引日積無法疏通則併 新引之利而捐之今有法於此今得新引之厚息 商蘇矣二商蘇而國計舉矣益新引之利人人所 徴正賦而帶徵風逋所以復祖制也祖制復而二 小鹽所以疏積引也見行正引而带疏積引如見 以一商合併而行其虧本者少而其獲利者多故 而又併治舊引之微資人其舍諸益舊引新引旨 春明夢餘録 五十四

縮耳本道刳心極慮為泉商設為網法遵照鹽院 紅字簿挨資順序刊定一册分為十綱每網扣定 納過餘銀者整二十萬引以聖徳超千古皇風扇 消乏銀者納六十餘萬引其實數僅有二百萬稍 鹽道衣世振網法議今查淮南紅字簿中納過餘 銀之數凡三十一單該有二百六十餘萬引內除 無不信之嘆也 積壅漸疏而新課無套搭之憂倉鈔盛行而邊引

四月石目

卷三十五

ŗ 巴马车公县 萬舊引不今行新引一張其新引派于淮南者凡 行之又加以掛掣附綱十餘萬引每正綱算派新 四十八萬六千五百九十六引却分派與九綱共 春明夢餘録 五十五

舊引套搭之害兩不相涉各得其利如今丁已年 為第一聖字網應行舊引之年止今行本網二十

拖累之苦行新引者止于速新引超掣而更不

贻

新引行舊引者止于收舊引本息而不令有新引

圍十字編為冊號每年以一網行舊引九網

舊引之年亦止令行舊引不行新引却令第三超 散行于二百餘萬超掣之商其在魚點之中者既 引五萬一千二百引附綱算派新引二萬五千六 冷坐而難待至明年戊午年為第二德字綱應行 百引是在向也以四十八萬有零新引而責行於 不苦于力量之難支其在愈點之外者又不苦于 二十萬舊引之商令也以四十八萬有零新引 網以至第一聖字九綱及附綱照窩數派行新 卷三十五

脱 鹽法已一旦豁然大通矣若行于數年之後不但 **饒益利無不收弊無不除不待行之數年而即** 新引以補 年而舊引盡净即掛掣之引是年亦盡却令漸 刊定以後即留與衆商永永百年據為窩本每年 引已未已後俱照此行從此以往行至丙寅凡九 册上舊數派行新引其册上無名者又誰得鑚 而與之争驚哉此法至輕便至明白至公普至 淮北暫停新引之數此十字網册目 春明事除張 五+二 力口

鉱 定四庫全書 有 歲額無停可以漸為增加即運司庫中亦從此大 保舉縣丞沈時鹽法疏向之官鹽鹽賤輕而雜 缺多虞取予之謂何 來所以征商者稍急之而怨端業至稍緩之而匱 河募兵赈濟常例等項種種重費每一引共出本 少今之官鹽有引價有餘銀有割沒復有滾的 餘積矣昔人論行鹽法惟劉晏知取予謂知 取民不怨知所以子民不乏也今兩准數十年 卷三十 所

2 鹽之利悉供姦人竊取而朝廷不得過而問馬 價 倍于官而官鹽之壅百不售十也是今日之鹽 私鹽則公行之而官鹽及私匿之使二百萬引 須鹽本五錢即有上下賄通之需不及輸官者十 分之四奸人遂以私行為得計且行之地方官鹽 į 高而 國者惟日增鹽課以為生不知名 ۲ 4.5 (錢投之水商止得銀三兩若私鹽每引 難售私鹽價暖而易施所 春明夢餘録 以私鹽之利 雖增姦民善 五十七 餘 政

四庫全書 每年煎鹽務盡其物力之所出除正鹽七十餘萬 重臣之最清薦才望者專責前往两淮疏理將 博寬大一分則國日增益一分廣博一分則國日 避之而旁走求多益寡是故帝王之生財與民不 擴充一分惠雖在下而利實總歸于上今欲將 同 百餘萬引之私鹽立變而輸官課惟祈皇上特簡 十鹽場舊制涵地草場一 謂之大道大者畧其小而忽其微務其寬大廣 卷三十五 清結電丁而厚恤之

쉷 定

ċ 2 舊 费 輸 價官收而貯倉官賣每包額定五百助為 外其餘餘鹽即將本額正賦銀兩照時值工本 è 銀 許 取鹽 派足三萬引之數每一 餘鹽則竈丁不窮課額減半 私匿一引 ٠. dula | 稅九錢悉去餘設遼的助工南北新寫等 兩九錢較前三兩八錢之數則減其半官 兩四錢外再 而姦 春明夢餘録 敢私販 加鹽本五錢在商人一 引除商人引 31 則商人不困電 犯出授與受 價五錢 五十八 31 31

灾 四月五言 續之名 悉行除去在竈丁知官收之價不減于 苦避官而陷不測之罪哉臣計三百萬引之輕賤 則 不禁而自止私販止則遍天下皆官鹽也食鹽 立時處絞家産籍沒入官如此力行如塞决者水 餘两頓増二百七十萬三千两且姦商化為良 傍流扼喉者氣無傍出餘鹽盡入于官則私鹽 得銀四百二十萬兩除舊額一 何樂就私在姦人知私 卷三 賄之费不減于官則 百四十九萬七 功

欽 定四車全書 賈千萬家私販碩户化為良民而行鹽地方南極 其疏云欲通鹽法須先處餘鹽欲處餘鹽必多減 價之說按嘉靖十三年給事中管懷理先言之矣 两 湖廣西抵河南東海數千里人民成享賤鹽之利 斗之制宜斟酌開中每正鹽一引定價五錢或四 行此不易之定論也今雖不能法祖宗時八分 正價大抵正鹽賤則私販自息私販息則正鹽自 准若此合各運司行之可勝計哉收餘鹽減正 春明夢餘録 五九

自 給與引目餘鹽給與小票正鹽下場支給餘鹽徑 員赴邊越時開中禁草一應買窩占中等弊正鹽 時上納栗米豆料草東每年差給事中或御史一 錢餘鹽一引定價二錢五分或二錢俱令在邊照 收又有以利乎貧竈國課不集而自足私鹽不禁 以盡收竈丁餘鹽為止若或未盡再添一二倍亦 不可如此正鹽價輕既有以利乎商人餘鹽盡 妆買正鹽一引許中餘鹽三四引或五六引務

盍 策鹽者不必官别尋一整齊之法即以行鹽之法 要領則可一言而盡曰恤商而已猶之足賦者在 崇禎十一年張慎言疏計天下之鹽法河東不同 于長蘆長蘆不同于兩淮兩淮不同于兩浙乃其 而自止沈跃即此意也 欲課之無虧者在得商之情而去其商之害故 地之利欲盡地之利者在得農之情而農得竭 J. 4.5 1197 欲得農之情而竭力在去其農之苦鹽法亦 春明夢餘録

k 2

5

法已更矣其所謂綱法者臣不知其詳然淮之父 于曩時其後法既效而世振誤用犀小敗人去而 行之半年新舊之引带銷而課之解太倉者幾倍 流水之源矣猶記萬歷末年有袁世振者行綱法 商積弊但去其太甚使之樂而喜從事自下令于 仍曲詢于商若何而行若何而可以經久若何而 可使私販不禁而自止因其勢而利導之即有姦 老必有能悉之者其時世振為官另設于運使之 月五吉 巻三

贞

飲定四庫全書 權茶之法始于唐而詳於宋宋在江南則宣欽, 福建則建劍二州歲輸租折稅送六權貨務鬻 五軍兩淅則蕪杭明越婺處温台湖常衛睦十 世振之法而輕重布之不必再設多官足矣 外令但重運使權而慎其選令御史提經于上訪 一 競信洪撫筠家十州廣德與國臨江建昌南康 湖則江陵府潭澧賜鄂岳歸峡七州荆門 春明夢餘録

錢又民歲輸茶折稅賦者曰折稅茶民有茶者售 官及私鸞販者沒入之計直輸罪園户報敗毀茶 課作茶輸租餘官為市之先受錢而後入茶日本 總之日山場十有三州軍采茶民隸馬日園户蔵 樹者計所產論罪後乃稍寬商買貿易入錢若金 于官官給其食用日食茶凡民茶折稅外匿不送 在淮南則斬黃舒廬光壽六州官自為場置吏

置権茶務江陵府于真海荆州漢陽無為軍凡六

僅易邊儲五十萬石入中者非盡行商多土人既 之至道末屬茶至二百八十五萬餘貫後益稍增 至三百六十萬貫而以雅熙用兵令商人入芻塞 帛京師權務以射六務十三場給茶券随所射與 不知茶利厚薄得券則轉鬻之商若京師交引 下即今中鹽之法而髙其估遂以三百六十萬貫 商舖因得收蓄貿易以射利券以積滞雖二三年 不足償邊以頓乏茶法日壞于是使入粟塞下者 春明夢餘緑

乏困于輸錢之不時入則刑随商買利薄販鬻者 歳 度地里遠近即實糧量增直給券徑至權貨立償 官 至後始行輸茶之法而茶户摘山者往受錢于官 不 行得給券通行為左驗以防私售謂之貼射 絡錢而茶則罷本錢使園户與商自相交易而 復給本但使商輸息錢三十有一而聽其所指 收其息如舒州羅源場茶斤鬻錢五十有六官 課不盡官市之如舊而以商縣失利尼之不行 岩

金贞

月白言

卷三十五

定日車台書 一 其暗零不及引者納錢六百文給蘇帖蘇帖照六 **观者止存此一路而利亦薄矣明初茶法商人詣** 今鹽法之變電戶與商自交易其弊必至此也此 所截角退引 始以王韶言行秦鳳茶即明初設巡茶御史所 的量地定程以賣而犯私贩與鹽法同罪諸 在買茶已具數赴官輸錢干文給引照茶百 准鹽法以行民間蓄茶不得過 春明夢餘録 六十三 角力

少官似簡易而利大損商民亦交困矣益其法即

驗 退引累催不繳為影射茶出山時不從公盤 月之用茶户私鬻者籍其園入官成化中 名貫址易為欺于是用尚書王恕言聽茶商于 分遠者數千里近不下數百里道若遠多費而 不詳茶商姓名貫址聽冒名給引為轉相 所買引而所在獨應天常州杭州三府于 所又不如法批驗而夾帯者衆又法商人 納課已即姓名貫址買引照茶年終該 批驗 背目 詰

卷三十

ここり 矣天下之言生財者亦問聞知 數買領次年合用引由各批驗所遇茶商經過照 行至累數年而內地茶户不知官茶私茶之說久 司繳部其法未為不備今川陕番市者茶積年不 理年終具驗過客商盤獲私茶具申册揭合于上 府縣各將賣過引由造册并次過紙鈔解部仍具 驗將截角引仍付放行有夾帯送所在官司問 春明夢除録 六十四

鱼灰匹库全書 春明夢餘録卷三十五



總校官庶吉士臣侍 朝

校

謄録監

生計臣

李 王

鍾健

带

雙